

振中說道他們這些工人到不怕熱呢在裏面做工虧他們好做我們坐在這兒通風的地方搖着扇兒還有許多汗流着振中含淚說道是啊但我的父親也在裏邊做工呢

▲小明月龜筆牘

君博

●畫家多別名

畫家喜取別名最多者有數人焉仁和金農字壽門一號吉金一號冬心一號長壽佛一號昔耶居士一號老農夫陽湖惲南田初名格以字行號壽平一號南田草衣一號正未一號欠壺外史一號嶽頂看雲客一號雲溪野史楊州石濤和尚一名清湘一名大滌子一名苦瓜和尚一名瞎尊者一名燒飯頭陀興化板橋居士曰名號太多反成攪亂八大只是八大板橋只是板橋名言也金農畫梅惲格畫山水三十後見常熟王翬曰我不願作天下第二手遂學徐熙畫折枝沒骨花卉石濤畫青綠山水靄淡入古板橋之畫竹文與可後一人而已八大山人畫不一格涉筆生趣題款八大山人四字類哭之笑之二字八大明宗室朱耷甲申國亡削髮為僧痛深黍麥感慨寄諸於楮墨也

●治浮腫方

脚○發○浮○腫○病○屬○氣○虛○日○久○不○治○勢○成○中○滿○時○醫○雜○方○亂○投○萬○難○奏○効○以○紫○背○浮○蘋○草○五○兩○煎○沸○湯○燻○洗○日○三○次○晨○午○黃○昏○不○間○斷○七○日○則○平○復○捷○於○桴○鼓○此○真○可○謂○單○方○也○浮○蘋○有○白○背○紫○背○兩○種○白○背○者○無○功○春○夏○用○鮮○秋○冬○用○乾○池○沼○可○取○藥○肆○可○買○價○亦○極○廉○

▲ 噓談偶憶 (一)

鈍根

予居上海寶山路屋六年以來連得三子。予妹來寓半載亦得一男。友人錢君寄居時其夫人並產兩胎皆男。予既訝且喜擬自題一額懸於廳事曰宜男草堂。

一外國女士喜作中國字嘗致書上海女青年會中友人函外大書曰女青牛會此正與禮拜六百零一期中誤排一半兒曲爲一牛兒曲許指嚴爲詐指嚴同堪發噓。

予嘗與友馮君美人卜倫閒談卜倫問貴國能英文者約有若干予笑答曰百分之五十卜倫不信請爲證明予曰卽以目前證之予與馮君皆華人也予不能英文而馮君英文絕佳非百分之五十耶。

▲ 怪問答

鈍根

曩在新申報曾以滑稽問題數則徵讀者解答未及揭曉而予以事業職離滬讀者或引爲憾。